

22,6213
9430.073
:2

三

卷三食貨志
卷四武備志

田賦
戶口
經費
書院生息賓興
生息各條規附
風俗
歲時
方產附
災祥

軍制
驛站

Inches 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29
Centimetres
Kodak Color Control Patches

懷安縣志卷之三

食貨志


田賦

懷邑羣山糾紛地皆沙磧凡器用財賄多仰給於四
 鄰以生穀之土寒且瘠也其在明季率皆屯衛無籍
 可覈又湍漲不時冲刷經界尤難有司循例而徵賦
 有定額而田無定畝其弊前人已歷言之矣承平既
 久吏治日新弊亦漸能釐剔然收除雖無膠轕而飛
 灑宜杜其萌按納雖有常經而阡陌宜核其實將欲

知懷安縣事長



續修



4202302

使農無缺望意者親度頃畝分別肥瘠而後大均之
政可舉乎夫吏未有不潔清自愛者矣第曰尺絲斗
粟不敢輕加尙不足以瘳民瘼也詩曰樂只君子民
之父母令名哉良有憾

一原額

順治元年分

原額四城堡公務餘地稻糧屯團本折軍租均徭租
糧等項地九千二百九十二頃一十五畝二分五
釐五毫七絲八忽八微六纖各徵不等共徵銀四
千一十七兩七錢七分四毫三絲五忽五微九纖

八沙三塵一埃五渺九漠本色糧一萬七千三百
四十三石八斗一升九合六勺六抄六撮八圭一
粟三顆八粒軍租米一石八斗穀二石二斗

康熙三十二年歸併後

原額地共八千二十九頃七十三畝四分一毫四絲
一忽八微各徵不等共徵地糧銀二千二百五十
三兩二分一釐六毫七絲六忽七微六纖二沙一
塵二埃一渺三漠共徵均攤丁匠銀四百六十六
兩五錢六分一毫二絲七忽六微六沙六塵七埃
四渺六漠四湖九虛一澄二淨遇閏之年共徵均

攤丁閏銀一十七兩八錢九分六釐四毫一絲二忽一微九纖一沙六塵六埃五渺八漠二湖一虛八澄六清七淨共徵本色糧一萬九百八十二石八升三合九勺八抄六撮七圭九粟三顆四粒內

奉文改徵折色米一千九百八十石折徵銀一千九百八十兩應徵本色糧九千二百石八升三合九勺八抄六撮七圭九粟三顆四粒內

六塵

歸併萬全左衛原額地共三千五百八頃七十八畝二分七釐四毫除節年拋荒開除外雍正十一年實在地二千七百八十七頃三十一畝六分四釐二毫徵銀六百六十六兩三分二毫八忽二微九纖四沙五塵二埃一渺三漠徵均攤丁匠銀一百三十七兩八錢八分六釐一毫一絲五忽五微六纖九沙四塵二埃八渺八漠八湖六澄五清八淨遇閏之年徵均攤丁閏銀五兩二錢八分九釐六絲四忽八微二纖五沙一塵四埃一渺八漠七

湖九虛二澄三清九淨本色糧三千三百三十石
一斗八升五合四勺七抄一圭九粟三顆四粒軍
租米一石八斗穀二石二斗

歸併懷安縣原額地四千三百六十四頃四十五
畝二分二釐一絲六纖除節年拋荒開除外雍正
十一年實徵地三千五百五十六頃一十六畝七
分六釐七絲三忽徵銀一千一百九十六兩六錢
五毫一絲九忽六微七纖徵均攤丁匠銀三百四
十七兩七錢二分八釐三毫九絲九忽五微三纖
九沙三塵四埃一渺八漠九湖四虛六澄五清六

淨遇閏之年徵均攤丁閏銀九兩五錢二釐四毫
八絲八忽四微一纖八沙一塵三埃六渺四漠一
湖二虛四澄四清五淨本色糧四千八百五十四
石三斗一升二合四勺六抄一撮六圭

歸併西陽河堡原額地六百五十四頃八十七畝
二分二釐除節年拋荒開除外雍正十一年實徵
地四百八十四頃五畝七分七釐七毫徵銀四十
四兩六錢三分八釐徵均攤丁匠銀九兩二錢四
分一釐二毫六絲三忽一微五纖九沙一塵四埃
二渺五漠一虛七澄四清遇閏之年徵均攤丁閏

銀三錢五分四釐四毫七絲八忽三微二纖九沙
五塵四埃七渺九漠二虛一澄八淨本色糧一千
十六石八斗二升五合三勺九抄

乾隆三年新收後

宣化縣改歸地一十五頃六十二畝九分各徵不等
共徵銀二十兩八錢七分九毫本色糧七石五斗
六升六合

萬全縣改歸地三十五頃四十畝八釐各徵不等共
徵銀二兩二錢三分九釐本色糧四十七石七斗
七升九合五勺五抄

通州改歸地二百九十六頃八十畝四釐五毫各徵
不等共徵銀三百七十一兩五毫六絲二忽五微
乾隆三年開除後

改歸宣化縣入額徵收地一百七十一頃九十四畝
三分八釐各除不等共除銀三十兩九錢九分六
釐三毫糧一百五十五石六斗九升六合四勺
改歸萬全縣入額徵收地二百三十六頃八十畝一
分八釐二毫六絲各除不等共除銀三十九兩八
分八釐五毫糧四百七石三升九勺七抄六撮
改歸懷來縣入額徵收地五十九畝一分二釐五毫

各除不等共除銀五錢九分一釐二毫五絲

以上實徵本色屯糧地糧共地七千九百六十八

頃二十二畝七分三釐八毫八絲一忽八微各徵

不等共徵本色糧一萬四百七十石七斗二合一

勺六抄七圭九粟三顆四粒軍租米一石八斗穀

二石二斗共徵糧一萬四百七十四石七斗二合

一勺六抄七圭九粟三顆四粒內除奉文改徵折

色米一千九百八十石折徵銀一千九百八十兩

實徵糧八千四百九十四石七斗二合一勺六抄

七圭九粟三顆四粒實徵折色等銀二千五百七

正十七兩五分六釐八絲九忽二微六纖二沙一塵

正二埃一渺三漠又均攤丁匠銀五百三十三兩五

錢一分九釐六毫六絲三忽一微六纖五沙八埃

四二渺三漠一湖三虛二澄二清九淨二項共徵銀

三千一百一十兩五錢七分五釐七毫五絲二忽

四微二纖七沙二塵三渺六漠一湖三虛二澄二

清九淨

一新收

乾隆八年開墾下地十二頃三十八畝五分共徵銀

十兩五錢四分三釐三毫五絲五微

十七年開墾地九頃六十四畝三分各徵不等共徵糧三石八斗六升四合共徵銀二兩七錢八分三釐二毫一絲九忽九微

十九年查明三年萬全縣改歸寄莊寄糧案內少收地十六頃七十九畝二釐九毫八絲共徵銀十五兩八錢七分七釐七毫九絲一忽

四十六年開墾石門溝營房地一畝六分共徵糧九合六勺

五十年開墾地二頃七十畝共徵糧一石六斗二升五十二年開墾地二十四頃六十三畝五分共徵糧

十四石七斗八升一合

五十四年開墾下地二頃五十七畝二分二釐共徵糧一石五斗四升三合六勺

嘉慶二年開墾地七頃三十九畝七分九釐共徵糧四石四斗三升八合七勺四抄

十年開地十四頃五畝一分五釐共徵糧八石四斗三升九勺

十二年開地八十三畝共徵糧四斗九升八合

道光二年開地四頃十三畝四分共徵糧二石四斗八升四勺

四年開地十一頃十四畝六分四釐二毫各徵銀糧
不等共徵糧十九石九斗六合三勺共徵銀一兩
三錢七釐

七年開地一頃七十二畝五分共徵糧一石三升五
合

以上共收地一百八頃二畝六分二釐九毫八絲
糧五十八石六斗七合一勺四抄銀三十兩五錢
一分一釐三毫六絲一忽四微

一開除

乾隆十一年正藍旗下退回上地一頃二十畝共除

糧九石六斗鑲黃旗下退回下地三頃共除糧六

石

二十九年東洋河被水沖刷民地五十四畝共除糧
四石三斗二升

嘉慶十四年查明歷年塌沒民地二百四十八頃四
十六畝六釐七毫各除不等共除糧一百四十六
石一斗七升五合一勺銀二百四十二兩九錢四
分七釐

二十四年查明歷年塌沒民地九十七頃九十八畝
六分各除不等共除糧一百六石二斗二升一合

二勺銀九十五兩三錢四分七釐二毫

以上共除地三百五十一頃十八畝六分六釐七

毫糧三百七十二石二斗一升七合一勺銀三百

三十八兩二錢九分四釐二毫

一實在

實在徵本色屯糧地糧共地七千七百二十五頃

六畝七分三毫六絲一忽八微各徵銀糧不等共

徵本色糧一萬一百五十七石九升二合三勺七

圭九粟三顆四粒軍租米一石八斗穀二石二斗

共徵糧一萬一百六十一石九升二合三勺七圭

九粟三顆四粒內除奉文改徵折色米一千九百

十七石五斗一升三合八勺五抄折徵銀一千九

百一十七兩五錢一分四釐實徵糧八千二百四

十三石五斗七升八合四勺五抄七圭九粟三顆

四粒內除乾隆二十六年奏明餘豆三千七百二

十九石二斗七升按八折改徵米石應減額糧七

百四十五石八斗五升四合又乾隆二十九年奏

明餘豆八百六十九石四斗按八折改徵米石應

減額糧一百七十三石八斗八升共減額糧九百

一十九石七斗三升四合嘉慶二十四年奉

恩詔查辦塌沒地畝減額糧九石三斗四升二合七
勺又應徵道光年新收開墾地畝減額糧二石六
升一合一勺三抄計減額糧九百十二石四斗五
升二合四勺三抄外實應徵糧七千三百三十一
石一斗二升六合二抄七圭九粟三顆四粒改折
銀一千九百十七兩五錢一分四釐每兩徵解司
耗銀一錢共耗銀一百九十一兩七錢五分一釐
實應徵地糧正銀二千二百六十九兩二錢七分
三釐一毫五絲六微六纖二沙一塵二埃一渺三
漠又均攤丁匠銀四百六十九兩八錢八釐九毫

七絲九忽二微一纖四沙九塵七埃六漠四湖八
虛九澄二清七淨一逡八巡實徵銀二千七百三
十九兩八分二釐一毫二絲九忽八微七纖七沙
九埃一渺九漠四湖八虛九澄二清七淨一逡八
巡全數留支工料內除回收通州改歸地糧銀四
百四十七兩八錢八釐向不徵耗外下賸地糧銀
二千二百九十一兩二錢七分四釐一毫二絲九
忽八微七纖七沙九埃一渺九漠四湖八虛九澄
二清七淨一逡八巡每兩徵解司耗銀一錢共耗
銀二百二十九兩一錢二分七釐四毫一絲二忽

九微八纖七沙七塵九渺一漠九湖四虛八澄九
清二淨七逵一巡遇閏年加徵正銀十八兩二分
一釐五毫九絲七忽二微八纖七沙八塵二埃五
渺八漠九湖三虛二澄九清三淨二逵一巡耗銀
一兩八錢二釐九毫五絲七忽七微二纖八沙七
塵八埃二渺五漠八湖九虛三澄二清九淨三逵
二巡

一經徵

經徵道光二十六年墾復嘉慶十四年二十四年塌
沒地九頃六十二畝又墾荒地四頃三畝一分共地十

三頃六十六畝一分各徵不等應徵銀三十四兩
二錢九分八釐奉文歸入儲備軍餉項下每年儘
徵儘解並不徵耗

徵旗租地三頃三十一畝各徵不等共徵租糧十
五石八斗三升六合租銀七兩一錢二分二釐每
兩徵解司耗一錢共耗銀七錢一分三釐

一代徵

原額撥補通州地三十七頃三十九畝八分八釐共
徵租銀併半攤丁匠共銀五十六兩一錢八分八
釐二毫八絲一纖五沙八塵五埃四渺一漠五虛

四澄四清四淨七巡代徵租糧二百三十八石三升三合又代徵船租糧一百九十三石三斗二合八勺九撮共糧四百三十一石三斗三升五合八勺九撮今實存地二十四頃二十九畝五釐一毫各徵銀糧不等徵銀五十九兩八錢五分三釐照數歸入地糧項下留支工料共代徵糧一百六十二石八斗八合

查此項地畝坐落萬全左衛郝堡於順治四年撥給通民至十年僉派剝船此地遂爲船戶工食至康熙二十九年剝船奉裁地則仍舊承業

輸糧於請更剝運等事案內造具科則冊入通州奏銷四十四年戶部以錢糧宜歸案內行查適懷安萬全宣化三縣民人控懇退地與通州民互相訴辯四十六年奉部咨仍撥通民管業其租有代徵船地不等均令批解藩庫轉發通州抵交通州士民錢糧嗣於乾隆三年欽奉上諭事案內奉文改歸寄莊寄糧准通州將撥補地畝錢糧仍歸原撥州縣卽將此項代徵租銀扣抵通民應納改歸懷邑地丁錢糧無庸起解轉發通州至應徵租糧內除乾隆六年起至

三十九年止據通州士民王肇基等遵例退賣
 與縣屬士民喬成等地畝又道光六年士民自
 行取租各年奏銷內先後開除地一十三頃一
 十畝八分二釐九毫糧二百六十八石五斗二
 升七合八勺九撮外仍照舊代徵給發通民收
 領均按年造冊奏報

附船代租銀卹莊

陡坡堡	王家窑	徐家窑	南堡	纏道堡
大鷄子水	李家窑	李家窑	一堵牆	太平莊
高家寨	下菓園	塔兒卹	胡家屯	閻家堡
三十里店	夏家屯	石坡堡	西莊子	呂家莊
西家屯	甘莊堡	郝家窑		
小鷄子水	殷房堡	和尚莊		

附船代租糧卹莊

李家窑	西北口	第六堡	牛家堡	第三堡
一堵牆	第五窑	陡坡堡	塔兒卹	黃家寨
王家窑	劉家窑	高家寨	南頭百戶	南堡
朱家莊	閻家溝	第十梁	南賈莊	北頭百戶
段家莊	李家莊	舊懷安	牛家莊	趙家窑
謝家窑	高家窑	東韓家中	秦家寨	獅子口
魏家辛窑				

一額外不入地糧內各稅

當稅

燒缸稅

牙帖稅

牛驢稅

房地稅

以上各項稅銀俱無定額儘收儘解年底奏銷

附前宰濟南楊氏田賦論畧

惟正之供率土皆然懷民甯有外焉雖然催科撫字有司難之余嘗周履田間察民疾苦約其爲弊厥有二端蓋懷田皆沙土其所引溉大率溪湍一或湍奔沙徙下者成窪高者成陵間有稍存畎跡亦復棱棱石骨矗立井疆莫能復其故業賦何所抵是以康熙十四年間巡撫清端于公有水衝沙壓乞蠲之請往事可徵此其一也他省田賦類有

編審清冊而懷田向皆屯地且又邊荒沙漠不入丈量卽有冊籍亦存舊衛康熙三十二年改縣曰衛籍淪匿無存是以歷任無可清釐其或糧浮於地地浮於糧苦樂不均互相抵控若欲按糧清畝則以無籍可憑談何容易于清端所稱包賠之累昔僅天災今兼人僞此其二也以斯二弊加以土田磽瘠生殖鮮尠有若宣志所云年豐穀賤價不能償農之勞年儉穀貴食不能及農之腹如此欲民之不流亡不逋賦豈可得哉今者幸登康阜不致坍壓時訴歲入稍稍償其勤動賦籍告充然而

懷安縣志 卷三
下農寡收身甘扑比者亦復比比矣爲民父母將
取斯民而撫字之其得毋思所以善催科也乎

戶口

君子勞心小人勞力情也亦分也古者役民之制成
周綦詳未有稅其田而復稅其身者自漢制爲口錢
歲給獻費唐議九等宋分五則而力役繁焉朱明肇
興詔天下置戶帖諭丁糧惟條鞭之法差堪無弊我
朝勤恤民隱苦樂悉均民但知有納課幾不知有力役
者猗歟至德難名炳今爍古已曩雍正二年直督請
以燕畿戶役援江浙例攤入地糧懷安土瘠民貧益
受其福迄今又百餘年矣閭閻作息相安太平無事
顧此閒手足而奠室家者孰非

聖天子涵濡覆育有以廣怙冒而大生成乎則夫民數之
稽亦飲水思源意也豈僅重比要知盈縮云爾哉

一原額戶口人丁三千一百八十二丁

節年編增人丁六千三百一十八丁開除節年逃亡

故絕外

康熙三十二年歸併後實在人丁四千五百八十丁
一歸併後收除人丁

康熙三十五年編審出壯丁一千一百六十四丁開

除逃亡故絕人丁八百六十三丁

康熙四十年編審出壯丁八百四丁開除逃亡故絕

人丁六百八十九丁

康熙四十五年編審出壯丁一千三百六丁開除逃

亡故絕人丁一千二百一丁

康熙五十年編審出壯丁一千四十四丁開除逃亡

故絕人丁九百十六丁

康熙五十五年編審出壯丁六百八十二丁開除逃

亡故絕人丁五百九十六丁

康熙六十年編審出壯丁二百六十丁開除逃亡故

絕人丁二百三十七丁

以上節年編審收除至雍正元年人丁五千二百

九十八丁內除

盛世滋生補贍餘丁一百九丁欽奉

恩詔永不加賦外實在徵行差人丁五千一百八十九丁
雍正九年編審仍實在行差人丁五十一百八十九
丁

乾隆元年編審仍實在行差人丁五千一百八十九

丁內分

三等九則

上則九丁

上上則無

上中則五丁每丁徵銀四錢八分

上下則四丁每丁徵銀四錢二分

中三則二百二丁

中上則十八丁每丁徵銀三錢六分

中中則四十二丁每丁徵銀三錢

中下則一百四十二丁每丁徵銀二錢四分

下三則四千九百七十八丁

下上則三百六十六丁每丁徵銀一錢八分

下中則一千五百四十七丁每丁徵銀一錢二分

下下則三千六十五丁每丁徵銀六分

以上共五千一百八十九丁各徵不等共徵銀四百九十二兩六錢六分 雍正二年因直屬窮民寸土全無偏有了銀田連阡陌丁銀獨少苦樂不均蒙總督部堂李 題准援浙江等省例攤入地糧銀內徵收又乾隆三十七年欽奉上諭五年一次編審之例著永行停止

光緒元年原額一萬二千二百二十戶

男 大口二萬四千六百三十二小口一萬一千二十二
 女 大口二萬四百三十口小口一萬二百五十五

六

一新收

共收十五戶

男 大口十七小口十四

女 大口十四小口二十

一開除

共開除十二戶

男 大口十六小口十三

女 大口十三小口十一

一實在

光緒二年

實在一萬二千二百五戶

男 大口二萬四千六百三十三小口一萬一千

三十三

女 大口二萬四百三十三小口一萬二百六十

五

以上共大小男婦六萬六千三百六十四口

經費

書院生息 賓興生息附

不費之謂惠費毋乃蠹乎曰有常經矣

國家累洽重熙再熟之稻八蠶之絲銀樸金華琛寶絡
赴而正供之外不妄議加又制爲留支以贍官用當
事者宜何如節省俾相灌輸乎懷自改縣後衝圍綏
靖人物滋豐蠲豁屢逢而飛輓不及宜乎有羨無竭
埒於富饒然而間一不登卽形支絀者何哉用之固
舒而生之有限也其在王制曰用地小大視年之豐
耗量入以爲出理財之道蔑以加茲顧式法之頒司
書尤亟後世如漢之主計唐之度支宋之會計明之

黃冊莫不精詳豈銖較寸量趨起好勞哉凡以帛猶有幅農猶有畔不得意為增減也至於規撫紫陽延經師以造士貧資白屋逢大比以興賢利効閭閻權歸宰職官也民也皆有費也則皆經也故都為一編以清款目

一開除

分防西路通判

按舊志通判一員俸銀未詳皂隸十二名工食銀七十二兩轎傘扇夫七

名工食銀四十二兩康熙三十二年改縣後裁

萬全驛

按舊志驛丞一員俸銀三十一兩五錢二分皂隸二名工食銀一十二兩道光五年裁

一存留

本縣

知縣俸銀四十五兩

門子二名工食銀十二兩

皂隸九名工食銀五十四兩

件作三名工食銀一十八兩

馬快八名工食銀一百三十四兩四錢

民壯五十名工食銀三百兩

轎傘扇夫七名工食銀四十二兩

庫子二名工食銀一十二兩

斗級四名工食銀二十四兩

禁卒八名工食銀四十八兩

舖兵十四名工食銀八十四兩

吹手六名工食銀三十六兩

更夫五名工食銀二十四兩

火夫八名工食銀三十八兩四錢

修理

龍亭銀五錢

修理

文廟銀十兩

文廟等春秋二大祭銀四十兩

關帝廟三大祭銀四十兩

文昌帝君春秋二大祭銀二十六兩六錢六分六釐

社稷山川等壇二大祭銀三十兩

無祀鬼神三小祭銀十兩

朔望行香紙燭銀一兩

鄉飲酒禮銀十兩

時憲書銀三兩

農夫二名工食銀十二兩

孤貧冬衣布花銀六兩九錢五分九釐

典史

俸銀三十一兩五錢二分

門子一名工食銀六兩

皂隸四名工食銀二十四兩

馬夫一名工食銀六兩

儒學

教諭俸銀四十兩

齋夫三名工食銀三十六兩

門斗三名工食銀二十一兩六錢

廩生二十名餼糧銀六十四兩

膳夫三名工食銀一十三兩三錢三分三釐二毫

三絲三忽

巡政廳

在柴溝堡道
光六年設

巡檢俸銀三十一兩五錢二分

兵六名工食銀三十六兩

馬夫一名工食銀六兩

門子一名工食銀六兩

皂隸二名工食銀十二兩

二年一辦

貢生花紅旗匾銀五兩每年帶徵銀二兩五錢

三年一辦

會試舉人盤費銀一十五兩每年帶徵銀五兩

新中文舉人每名牌坊銀八十兩每年帶徵銀二

十六兩六錢六分六釐六毫六絲六忽

新中文進士每名牌坊銀一百兩每年帶徵銀三

十三兩三錢三分三釐三毫三絲三忽

新中武舉每名花紅旗匾銀五兩每年帶徵銀一

兩六錢六分六釐六毫六絲六忽

新中武進士每名花紅旗匾銀十兩每年帶徵銀

三兩三錢三分三釐三毫三絲三忽

以上應支官俸役食祭祀帶辦等項除裁汰外

每年留支正銀一千四百六十八兩三錢九分

八釐三毫三絲一忽

書院生息

條規附

一錢項

同治七年知縣鄒振岳創立書院共捐錢二萬二

千五百吊又十年計得房地價懷錢四百三十吊內

除七八兩年膏火月米並買房屋修理工程等項

動用外盡數發行以便生息

計開

本城發行八千六百吊

左衛發行一千八百吊

柴溝堡發行七千吊

共錢一萬七千四百吊按年一分生息每年得
錢一千七百四十吊

一地畝

同治七年創立文昌書院將各義學地並新入官
地盡歸書院以便生息茲查得地畝坐落每年地
租開列於後

計開

本城

坐落書院西園地一塊每年作租錢四十吊

坐落書院東園地一塊每年作租錢一十八吊

坐落東門口地三十畝每年作租錢一百二十七

吊五百文

坐落西奶奶廟後地八十畝每年作租錢四十二

吊

坐落東河臺地七十三畝每年作租穀十石

坐落管營地二十畝每年作租穀二石五斗

坐落東門外韓家房東渠墪地七畝每年作租穀

一石

坐落瓦窑口黃土道路東地二十畝每年作租穀一石八斗

坐落東坡底地六畝今被河水冲刷無人租種坐落未詳地畝每年作租穀四斗二升四合

南面

山旗屯

坐落南堰截地八畝每年作租穀五斗五升

坐落東圪塔地四畝每年作租穀二斗五升

李家窑

坐落北山碓曰溝南山坡地五十餘畝每年作租

大老溝

坐落和尚坡地二十四畝王林溝西坡地二十畝

馬鞮橋地十畝北羊路地四畝共地五十八畝

每年作租苜蓿一石三斗

坐落和尚坡地九畝西寺窰地二十七畝東灣地

十畝南溝門地三畝共地四十九畝每年作租

苜蓿一石二斗

左所溝

坐落井溝門地九畝每年作租穀六斗

北面

黃家窰

坐落黑虎廟梁北地十畝每年作租穀五斗五升

趙家坡

坐落花姐廟梁地十畝車溝北崖地八畝陳岱海

坡地四畝高崖背地六畝共地二十八畝每年

作租穀一石

坐落花姐廟梁地十六畝陳岱海坡地五畝每年

作租穀六斗

坐落車溝北崖地六畝每年作租穀三斗五升

北高崖

坐落台子坡地九畝人頭溝堰地七畝每年作租

穀五斗

莊科寺

坐落減邦浪地一十二畝每年作租穀五斗

羅家廟

坐落南北山坡地八十餘畝建花沙灘地五畝每

年作租穀一石四斗

任家窰

坐落北廟兒窰地三十畝背溝堰地十畝每年作

租穀二石

西沙城

坐落杏坡梁地一頃餘畝每年作租穀一石五斗

東沙城

坐落大東梁地六十畝每年作租穀二石

武王寨

坐落弔頭嘴地十五畝花溝堰地三十三畝又十

畝共地五十八畝每年作租穀一石九斗

坐落花溝堰地十三畝每年作租穀五斗五升

黃干溝

坐落老虎溝地七畝每年作租穀二斗

西面

十里舖

坐落堡西地二十畝楊樹三十餘株官路南地二

十畝每年作租穀一石三斗

下羊房

坐落東河地二十二畝每年租穀三石

柳南窑

坐落東河地十三畝同治十年出賣隨糧一斗四

升作價懷錢二百六十吊禮房存卷

朱家屯

坐落南梁坡地十二畝每年作租穀六斗

永泉堡

坐落二道嘴地十四畝每年作租穀三斗五升

坐落三道嘴地十五畝每年作租穀七斗

黃家莊

坐落南溝東坡地二十餘畝每年作租穀三斗五

升

寺溝

坐落麻燕崖地十五畝每年作租穀七斗

位疑莊

坐落堡北地十四畝每年作租穀九斗

坐落堡東南地十二畝每年作租穀四斗五升

李家莊

坐落石灘地九畝富家帽地十二畝富家帽灣地

四畝共地二十五畝每年作租穀八斗

坐落新堡梁上地十二畝磨石溝地六畝富家帽

地五畝共地二十三畝每年作租穀七斗

坐落大尾圪塔地七畝韓家溝地十五畝共地二

十二畝每年作租穀四斗五升

坐落韓天溝山坡地七畝磨石溝地五畝共地十二畝每年作租穀八斗

坐落北梁黃土嘴地二畝每年作租穀五升

羊房寨

坐落羊房水閘地十二畝廟山地十二畝東山底

地十五畝東花塚尖地二十畝武家坡兩圪嘴

地二十五畝西溝窑頭地二十畝廟閉廝地五

畝饅頭山地十二畝王拔道地十四畝雙羊溝

地十七畝共地一頃五十二畝每年作租穀四

石三斗

小東面

後所堡

坐落羊道地十一畝每年作租穀四斗五升

坐落羊道地九畝每年作租穀三斗五升

坐落馬羈橋地二十畝每年作租穀五斗

坐落羊道地五畝每年作租穀二斗五升

坐落羊道地七畝每年作租穀二斗八升

梁家窑

坐落後所堡東南角清水河地二畝沙灘地三畝

每年作租穀一斗

坐落西山上地十八畝每年作租穀八斗
一堵牆

坐落上王楞地八畝每年作租穀六斗

少欽大屯

坐落胡神廟梁底地十畝每年作租穀五斗

坐落毛兒溝地六畝每年作租穀三斗

塔兒邨

坐落董家嘴地八畝又沙梁上地十畝又沙平來

地十四畝又十二畝又二十四畝又沙平嘴地

十五畝又七畝又東石近地九畝又曹家窰地

十八畝共地一頃一十七畝每年作租穀三石

俞家屯

坐落正溝塊地八畝又五十畝窰地七畝又道達

珍地十二畝共地二十七畝每年作租穀九斗

坐落道珍地十五畝每年作租穀四斗七升五合

前所堡

坐落魚兒地六畝五分又寨子嘴地五畝又張家

墳地四畝共地十五畝五分每年作租穀五斗

坐落廟隍溝地十畝每年作租穀四斗

坐落沙地來地八畝又二畝每年作租穀四斗

西北口

坐落北葫蘆地十二畝每年作租穀三斗

坐落北中葫蘆地十一畝每年作租穀三斗

瓦窑口

坐落河道口東地十畝每年作租穀四斗

鈕家窑

坐落木碗梁頭上地十畝每年作租穀七斗

楊家屯

坐落沙溝墘地八畝每年租穀三斗

小屯堡

坐落北梁坡地十五畝每年作租穀八斗五升

何家窑

坐落琵琶嘴地十三畝每年作租穀三斗

坐落梁頭上地二十一畝每年作租穀四斗

耿家屯

坐落東坡上地四畝每年作租穀五斗四升

坐落南園地二畝每年作租穀四斗三升五合

坐落南半地八畝每年作租穀三斗九升

坐落西楞地七畝每年作租穀六斗五升

坐落北河楞地四畝每年作租穀三斗九升

坐落小分地四畝每年作租穀三斗七升

坐落后何來地三畝每年作租穀一斗四升五合

坐落后何來地四畝每年作租穀六斗二升

南堡

坐落西河楞地二十畝每年作租穀一石一斗

舊懷安

坐落西海子地六畝每年作租穀四斗五升

王家窰

坐落杏兒溝西坡地一塊每年作租穀七斗五升

左衛城

坐落北舊城地一頃每年作租穀九石一斗

坐落南門外舊教場地八畝每年作租穀二石五

藤入官斗

坐落學門口地十一畝每年作租穀三石四斗

南窰上

坐落印子崖地三十畝又八龍廟北碗架圪蹬地

二十餘畝又廟西地十五畝又廟南地二十餘

畝又西梁上地三十餘畝又大南畔地三十餘

畝共地一頃四十五畝每年作租穀三石五斗

坐落西梁地四十畝又西梁地二十畝又西梁頂

地十畝又南畔地十畝又堡南地一畝又印子
崖地二十畝又南畔地十一畝又八龍廟地九
畝又三畝又印子崖地六畝共地一頃三十畝
每年作租穀三石二斗

劉家堡

坐落東南灣河地七畝又河邊未成地二十餘畝
每年作租穀五石

新入官地

坐落田家莊南灣地十畝五分每年作租穀一石
坐落北高崖東當河地九畝六分每年作租穀二

蘇石

坐落劉家堡東南灣地七畝又河邊未成地二十
餘畝每年作租穀五石

坐落于林屯大西溝地五十六畝又大東溝地五
畝六分又東梁頂地十六畝共地七十七畝六
分每年作租穀一石

坐落第三堡南灣地二畝北灣地二畝圪嘴地三
畝共地七畝每年作租穀六斗
按書院創始時共地二十五頃八十九畝內除
坍塌出賣等項外實存地二十二頃六十三畝

二分每年共作租錢二百二十七吊五百文租
穀一百四石四斗一升九合交官糧一石四斗
五合地丁正銀一兩九錢八分六釐所有地段
四至種地租戶另懸匾額並載立底簿二本監
院紳董存一本禮工房卷存一本以便稽核

條規

一山長或一榜或兩榜必須品行端方學問該博方
准延請
一延請山長卽歸紳董辦理地方官不得與聞以杜
藉資養交良楛雜出之弊

一山長須外省外府之人不准延請本地科甲以杜
把持戀棧之弊

一山長每歲脩金二百兩薪水四十兩按季致送程
儀二十兩聘金六兩

一酌取正課二十分生十六分童四分每名每月給
予膏火懷錢四貫光緒二年代理知縣劉以左衛
歸併加生膏火四分

一考取正課以每月初一日官課爲衡其不列正課
者作爲附課十一日二十一日山長齋課准其一
體課試

一雖經官課取列正課其山長齋課不到及雖到而抄襲雷同者立予扣除膏火

一凡住院肄業者不論正課附課均酌給月米一斗俾資誦讀不住院者無

一凡在院肄業者有事出門必須在山長監院前告假登簿其無故朝出暮歸不務正業者立予斥逐除名

一凡住院肄業者除歲時公宴外敢有酗酒嬉戲者查出斥逐除名

一凡住院肄業者不准棋博吸食洋煙犯者斥逐除

名

一每歲三月入學十月解館其住院肄業情願留冬

用功者另議酌予膏火俾資功苦

一試帖失粘至二字者官課不錄正課齋課酌減膏火四分之一

一柴溝堡西洋河一帶讀書者尙多而離城較遠茲

擬除三月初一日入學官課必須齊集縣城書院

課試外其餘不論官課齋課均寄題在柴溝文昌

閣分課課卷封好送縣一體校閱榜示以資體恤

一左衛距縣城較柴溝堡更遠光緒二年代理知縣

山右劉樹勳準該紳援柴溝堡例在養正書院開
課改額曰文昌書院俾歸一體

一官課獎賞凡考列正課者第一名一兩第二名至
第五名六錢第六至第十四錢十一名至十六名
三錢童第一名六錢餘三名三錢均官爲捐廉給
發光緒二年代理知縣劉樹勳署知縣蔭祿加生
四名獎賞永著爲例

一齋課考列超等者第一名二吊二名三名各一吊
五百文四名五名各一吊童考列上取者第一名
一吊五百文二名三名各一吊此項始自同治癸

西永著爲例

一每課日肄業生童黎明齊集書院聽候點名遲誤
時刻者不准補點

一每課日生在正院童在大東院父子兄弟同應課
者另室隔別以免代倩

一嚴搜夾帶除詩韻四書外夾帶片紙查出扣除不
准應課

一交卷以鳴鐘爲度鐘至三次不交卽行撤卷

一書院中經費爲艱計所入以抵所出僅足敷用外
尙有浮存之項以備不虞儻稍有冒濫稍不樽節

便須虧短每歲至十二月將一歲所入所出詳細
清算尙餘若干分別列載以示大眾不得少有含
混致滋弊端再遇有格外支銷必須設法另爲籌
款不得妄動正款以固子本

賓興生息 條規附

同治十三年知縣李葆貞捐懷銅錢一千二百吊縣
民宗允煌前次呈交罰款內除本年賓興動用四
百吊外尙存錢八百吊及新罰補歸動用過之數
統共懷錢二千四百吊一併作爲賓興成本發商
按月一分生息以三年計之每屆正科鄉試得利

錢八百六十四吊足爲賓興之費所有條規開列
於左

一賓興經費各處向派紳董輪年經理茲懷邑文昌
書院紳董係歷前縣選派素稱公正所有此項發
商生息事務自應派該紳董等一手經理以專責
成

一現在經費無多若將三年之利全數提歸正科賓
興設逢 恩科之年賓興缺如能無悵惜且舉人
會試以及優拔貢 朝會各考均應酌籌盤費以
壯行橐茲擬每屆正科鄉試不論人數多寡酌提

利錢六百串均勻分給其餘存作會試等盤費之用庶無簡畧之弊

一每逢正科鄉試如經管賓興之紳董有應試者卽令該紳董同是年院試一名之文生將經費攜往京城散給若無應試紳董卽由院試第一名文生同是年七月書院官課超首攜帶必須驗明卷票方准給散不得在縣先取以杜冒領如是年院試官課第一各士子另有事故卽以次遞派不准推諉其管理散放者無論紳董士子在六百串內各給懷錢十串以酬其勞

一新舉人正科初次會試每名酌給盤費懷錢五十串以後每名給懷錢三十串優拔貢生 朝會各考酌給盤費懷錢四十串副貢生初次鄉試酌給印刷卷資懷錢二十串均在賓興餘存項下動撥

一每逢 恩科鄉會各試不論存項多寡均照正科章程酌提懷錢一半均勻分給以示限制俟將來經費充足再行增益若近三年內遇有 恩科則下屆正科經費或有不敷應將正科賓興稍從節省如三年以外逢 恩科則應照舊提給無庸議

減

懷多集元 卷三
一新進士 朝考 殿試費用較多原應從優資助
惟此項成本無多力有未逮俟有新中進士卽由
書院各項生息及餘租項下酌給足銀五十兩以
示優獎而補此項之缺

一此項經費專爲鄉會賓興及優拔 朝會各考盤
費而設儻別項公款短缺無論官紳不准擅自挪
移動用以免匱乏之虞日後經費或有積存以及
官紳續行捐入凡積數至四五百串者卽由該管
紳董呈請發商生息以補不足

一此項成本甫經發商來年卽屆會試 朝考之期
生息無多不敷撥用所有來歲新舉人會試及拔
貢生 朝考均由本縣另行酌給盤費毋庸提用
生息

一凡官紳士庶有願共勸盛舉嘉惠士林則當慨捐
廉泉咸解義橐但冀多多益善尤期源源而來將
見人文蔚起甲第綿延本縣有厚望焉

一本年志局捐項有餘因撥紋銀四百兩發柴商按
月一分生息仍作賓興以補不足計三年可得一
百四十八兩內提一百以七十金作鄉試賓興以
三十金作會試賓興遇有 恩科照舊減半支發

其四十八兩之數如值優拔貢 朝會等考每人
致送十六金此項惟優貢或三年一得拔貢則以
十二年爲率動用有限每鄉會試後儘有存留又
前次賓興條規有由書院撥送新中進士五十金
之例茲旣擴充則此項應由賓興款中取給無庸
動用書院經費以清界限所有用過餘項務於每
屆場後稟請邑侯照例生息而裕款目統計前後
賓興頗形充物凡邑中公事不得挪用該紳董務
宜秉公核實有加無已勿負本縣付託之至意

風俗

歲時

方產附

天地寒煖燥溼與民性之剛柔輕重遲速相爲周通
司治者不能和於民情宜於土俗猶膠柱而鼓不能
改絃而更也夫橋踰境而爲枳鷹得氣而爲鳩變化
無端物自不喻亦視乎轉移者爲何如耳書曰爾惟
風下民惟草風善入也而或些窳而媮墊隘以困則
未嘗行而化之使民宜之也卽如懷安一邑其在本
城者其民務質而嗇土亦瘠焉其在柴溝者其民務
文而靡土亦稍腴焉况其遠者乎善乎記之言曰入
境而問俗苟探其原而安擾之彈丸不足治矣若夫

山樞蟋蟀不無娛樂之時流火授衣兼及瓜壺之細
可知歲時方產皆係於風俗中也故得并書

漢地理志愚悍少慮輕薄無威然亦有所長敢於急人
唐地理志習俗同雁門

宋夏竦曰山後諸州人性勁悍閑於戎馬純尚氣節可
以義動 蘇軾曰勁勇而沈靜

元上都志習尚樸茂人好禮義

明一統志人性驍悍不憚戰陣服食儉嗇勤力耕藝

宣鎮志西路氣岸相高不尚含容喜則傾心怒則思

鬪 舊志土著之人習於里閭不慣遠商 農家

邨居情甚親昵有無相通老少相愛耕獲以力相
助有上世遺風

春秋祈報長者斂貲少者趨事備牲醴祀神優人作

戲互邀親戚聚觀祀畢坐饗神餽鼓吹喧闐醉飽

歌舞而散 俗尚龍神凡邨堡城市多建廟祀秋

熟釀錢演戲賽神歲有早各戴柳枝具幢旛鐘鼓

迎像置壇敬禱得雨乃止

冠禮在明啟禎間已不知舉

婚禮先遣媒妁問名後納采尚菓盒餅餌釵環布帛
之物擇吉用鼓樂迎娶男不親迎止央親眷女往

迎親朋備禮慶賀 新婦入門拜天地行合巹禮
次日拜翁姑編戶之家亦皆如此惟貧乏者議明
財禮多寡方允其親每有典賣田產而後婚娶者
習俗之薄可歎焉

喪禮父母歿小殮畢乃行大殮好作佛事或三日或
一日卽士大夫未免染俗近今守禮之家畧知矯
正其非云

祭禮多用麵食菓食其菓品亦隨用之清明七月望
十月朔至墳祭奠

歲時正月元旦五更起祭天地祖考畢家人以次拜
尊長親友亦互相慶謁神前及門戶挂黃紙錢初
三日祭奠焚之上元作燈推一人爲首曰燈官
執役人皆備各鋪戶具賀貲以充燈火費其城外
大屯堡立竹木設九曲黃河圖壑燈三百六十一
盞名九曲燈男女中夜穿逐謂之走百病又隨處
演戲踩高蹺唱秧歌節節高以爲樂三日爲度
二月十五日爲花朝節屯民以五穀瓜果種相遺
謂之獻生 清明前日爲寒食節插柳於門男女
亦各戴之諺云清明不戴柳紅顏成白首是日傾
城上墳祭掃士女喧闐享餽之餘固有醉歌而返

者矣 三月三日警者以酒食聚會各奏所精之技竟日乃散謂之赴王母蟠桃會 四月八日僧家浴佛建道場斂布施 五月五日爲天中節人多植艾或貼紙畫虎蝎親友亦用饅頭餽贈 五月六日士民多具酒穀野游名曰耍青 七月七夕列香案陳瓜果於庭婦女穿鍼乞巧 十五日俗謂中元節多持齋誦經或上墳祭奠祖考僧家建盂蘭會 八月十五日謂之中秋人家製月餅以相餉遺至晚剖瓜賞月 九月九日爲重陽節製棗糕菊酒亦或彼此餽送 十月一日祭掃先墓

十五日俗爲下元節亦有持齋者 十一月冬至祭先祖 十二月八日民間多用米豆果食合煮爲臘入粥郊外鑿冰老幼聚觀少者打滑擦以爲戲晚各負冰以歸 二十四日爲交年家家用餅糖酒果祀竈自是修歲事除舍宇易門神桃符整辦柏酒椒湯延款賓客而僧道作疏送之檀越醫士作辟瘟丹屠蘇袋送之素所交往亦奔趨不息云 除夕祭先祖爆竹鼓樂徹夜長幼兒女終夜博戲謂之守歲亦有夜靜禱竈抱鏡聽市以下吉凶者

懷俗男女婚嫁多不及時有髮覆額而卽適人者有未成童而卽授室者地方官雖嚴切禁諭莫能移易揆諸冠而迎笄而字相悖遠矣女嫁第三日母家餽食餉女爲饅飯富者設豐饌貧無力者以果餌諸物代之新婦降輿伴婦授以寶瓶內貯銀米婦奉以行至堂闥中設馬鞮婦跨而入蓋取平安意三日以瓶中米爲粥交啜之然後婦入廚下

又俗親喪三日諸戚送燈籠一對至晚族屬咸集緇羽法樂前導戚族然炬隨行子婦親眷均衰絰往叩城隍以親歿告廟畢哭而返凡遇骨月之喪值清明七月十五十月初一及生前誕辰週年等日晚間炷香焚楮哭於門外三年乃止每屆期聲達衢巷行路惻然古詩云野哭幾家聞戰伐毋亦邊戍之遺風歟邑有廟會向例起於十月初旬在西大街昭化寺內名曰皮襖會後嘉慶十餘年改設城隍廟街自五月二十六日起至六月朔止會畢卽移至柴溝堡與城略同凡會日開場列貨士女如雲山門外晝夜演劇二十七日男女雜沓入廟名曰拜香甚有躬效刑囚以杖畫地一步

一拜者俗情佞佛一至於此 七月十五為中元
節相傳天狗下降食嬰孩民家蒸麵為人令小兒
自抱俾作替身亦有從外家持贈者 每歲秋收
畢逢朔望以餼羊供神主祀者跪奉茶酒奠羊背
毛破乃喜以為神既歆也否則長跪以奠自夙興
至朝爨猶不已蓋亦取營告殺之意名曰領牲
冬至前一日館徒為師具饌讌衍盡歡次日衣冠
拜師師亦命酒次賀家長次及岳家外戚亦往拜
之 立冬後四民各延羽士持經二晝夜於堂前
謂之謝土告歲功成也

方產

穀屬

黍 爾雅翼黍有赤黍黑黍黏者別名秫
可釀酒北人謂黃米亦謂之黃糯

稷 稷五穀之長也粒大而色黃關西謂之糜冀北
謂之藜俗呼為糜子米本草黏者為黍不黏者

稷為

稻 本草釋名一日稔皆粳糯之總稱也粘者為
糯不粘者為粳亦曰秈今俗通呼為大米

粱 毛穗俗謂之粱穀韻會小補云粱粟類廣羣
芳譜北方直名之日穀脫殼則謂之小米

麥 有大小二種大曰粦麥小
曰來麥詩貽我來粦是也

蜀黍 俗謂之高粱紅白二種本草釋名古不
經見種始自蜀故曰蜀黍亦曰蜀秫

蕎麥 一作苳花似五銖錢粉紅有紫紋詩視爾如
苳疑卽此附許有王詩坡遠花全白霜輕實

便黃杵頭麩退墨磴齒雪流香玉葉翻盤
薄銀絲出漏長元膏貯膏火蒸黑笑南鄉

油麥 穗似燕尾一名燕麥宜種寒涼之地
性不畏霜其實可食亦可炒碾作餌

豌豆 卽爾雅戎菽也又曰回鶻豆謂種
出西戎回鶻也夏收有綠白二色

豇豆 赤白二種本草名豇雙謂此
豆紅色又莢必雙生故名

小豆 赤白二種多穀子九穀之數小
豆居其一赤可入藥白可作腐

黃豆 亦可作腐

黑豆 有大小二種
本草曰稽

蠶豆 本草一名胡豆張騫得西域種故名也或
曰狀如老蠶又曰以蠶熟時有故名之

菜豆 爾雅云玉芻郭璞云菜蓐也
又本草菜豆以色名

扁豆 一名沿籬豆又曰蛾眉豆又
名羊眼豆俗呼扁豆亦作菹

胡麻 殷氏志註曰巨勝非也按武志考胡麻種出
西域張騫得之其曰巨勝乃關以南之脂麻

耳若茲土胡麻莖細直而低花藍色開頂上子
可榨油邊庭一帶皆有之以其生於北地故亦

曰胡麻形與巨勝不同蓋
本草羣芳之所未載者也

沙米 苗莖如麻葉類艾而稍圓有刺高尺許生子
成房粒細如黍杵去皮用羊羹作食味甚滑

利大腸服之不饑
邊外名黍刺棘

豆角 豆有紅
白二種

葱 廣韻云葷菜也儀禮夜搗
葷注葱韭之屬服之止卧

蒜 小蒜中國種也大蒜張騫西
域種又有山蒜爾雅謂之蒿

茄 一名落蘇紫白二
種又水茄宜生食

芹 一名楚葵有水芹旱
芹其色有赤有白

芥 一名辣菜
亦作介

韭 本草名
草鍾乳

菠稜 唐會要太宗時尼波羅國獻菠稜
菜卽此一名赤根今俗呼爲波菜

蒿苳 卽興渠也莖如
筍俗呼蒿苳

芫荽 胡荽也張騫
使大宛得之

蘿蔔 爾雅曰葵蘆葩郭璞注爲蘆葩紫花大根本
草曰來服有紅白二色長圓二類又名土酥

杜金城土
酥淨如練

茗藟 本草作藟菜
謂味甜也

菘 埤雅云菘性凌冬晚凋有
松之操故名俗呼白菜

同蒿 本草形氣同
於蒿故名

茄蓮 俗名王蔓菁
又名孽藍

里蕨 齊魯曰蕨陸佃云以
其初生似驚脚故名

莧 赤白二種又
有野莧灰莧

馬齒莧 本草一名五行草以其葉青莖赤花黃根
白子黑也又曰長命菜又名九頭獅子草

芍藥 山中所生春
二三月採取

蘑菇 卽困也其種不一畿輔舊志木生者如芝草
生者如蓋土生者如丁土人總名曰蘑菇

西洋白菜 種從西洋來故名其
形圓俗名回回白

山藥 形小而圓種從西洋
來一名西洋山藥

瓜屬

瓜王瓜

一名瓠瓢有夏秋二種

西瓜

出西域故名五代蕭翰破回紇得種歸

南瓜

種出南番陸機瓜賦有黃瓠白瓠之名即此

菜瓜

廣羣芳譜北方名苦瓜色青質脆可生食苦者可作菹

瓠

瓜也按本草首尾如一者為瓠今俗呼為瓠子

壺盧

瓠瓜也本草壺酒器盧飯器象其形而名之俗作葫蘆誤又細腰者為蒲蘆今藥壺盧是也

果屬

榛

有大小二種郵坊甚多

李

味苦澁

杏

有二種大如梨黃如橘者曰含杏長安客語仁皆苦一種甘者名色旦杏或謂之入達杏

沙果

無花果

花紅

酸不可食

奈

形最小有青白赤三種

葡萄

色有紅白二種紅者形圓白者形長

櫛櫛

一名奈採蘭雜字燕地有櫛櫛味雖平淡夜思也學圃餘疏北地有頻婆即花紅一種之變

木屬

松

本草有二針三針五針之別三針者為栝五針者為松

桑 山桑曰屨柘亦似桑邑中此種甚少至同治辛未邑侯尋鑿晉從南方購種教民植桑至今其

木甚多

榆 爾雅云榆曰樅莖莢為蕪莢

柳 說文楊蒲柳也從木易聲檉河柳也從木聖聲柳小楊也從木卯聲

楊 陸佃云白楊葉圓青楊葉長赤楊霜降則葉赤材理亦赤又黃楊木性堅緻難長

椴 爾雅從段者音假柚屬從段者音段木槿之別名又一音段曰椴椴樹似白楊今此地椴木蓋

即爾雅之椴也

桃

花屬

芍藥 有紅紫白諸色唐宋人呼為婪尾春胡嵩詩瓶裏數枝婪尾春今北方地寒五月始開

丁香 白紫二種

迎春 迎春日即開花小而黃色

鳳仙 即海納花南宋宮人避理宗后諱呼好女兒花

榴 張騫使外國得塗林安石榴種

蜀葵 有五色葉小花圓為戎葵叢低花千葉為錢葵又蒲葵葉可作食

菊 一名月精草月令季秋菊有黃花

薔薇 有紅黃粉三種紅者尤香乾可作囊

珍珠 一名米殼莖似木芙蓉葉似榆白花無香

罌粟 一種小者名嬾抬頭江南呼為虞美人

玉簪 本草一名白鶴仙未開時如搔頭有紫白二種紫者有毒

蕙 忘憂草也一名宜男

石竹 一名鹿蔥俗作萱 叢生花色有數十種

山丹 種有二

杏 邊地氣寒春夏之交始發 蓓蕾開時亦爛熳可觀

桃

雞冠 種有三

水紅花 一名紅鵠又名紅蓼花杜 荀鶴詩紅蓼花疏水國秋

金盞花 叢生結黃花如盞 故名或呼番菊

刺梅 出北口花譜注 曰即玫瑰也

柳葉桃 花如桃葉如柳故 名即竹枝桃也

八仙 俗名臭八仙以其葉臭故名亦名月課亦名 繡毬梅木本叢生伏暑始花開時香氣滿院

荷包 花似荷包故名又 有山荷包之名

榆葉梅 葉似榆花 似梅故名

百部 花藍 色

金鍼花 色黃五 月始開

剪秋羅 叢生形似石竹色 純紅秋分後始開

草屬

蒿 本草青蒿白蒿可 食臭蒿可以為薪

稗

麻 雌者曰苴雄者曰枲有絲麻 大麻子可榨油皮可作線

蓖麻 本草曰蠅牛蝨也子形有黠如蠅故名取其油可入印色

地椒 細葉紫花其實辛香如椒不可食置衣篋間辟蟲蛀蠹黠許有王詩凍雨催花紫輕風散

野香刺沙尖葉細敷地亂條長楚客收盈裏奚童擷滿筐行厨供草具調鼎爾非良

草馬蘭 月令荔挺出即此今俗呼為馬練草又呼馬蘭

菖蒲 本草有五種生於地澤曰泥菖白菖生於溪澗曰水菖溪菖生水石之間劍脊瘦根密節

者曰石菖蒲

禽屬

雞 積陽火德之精知時畜也

鳴 舒鳧也李巡云家曰鳧野曰鴨

鵝 一名舒雁又駕鵝野鵝也

雉 尚書華蟲禹貢羽畎夏翟皆雉也漢諱呂后名呼為野雞

鶉 形似鵝而大灰白二色其羽可作箭翎肉亦可食

鴿 鴿鴿也家野二種

石雞 色似斑鳩有黑文而大短尾嘴距皆赤

半痴 其性痴俗呼憨半斤

烏 廣雅云有三種純黑反哺者謂之烏小而腹下白不反哺者謂之鴉白項而羣飛者謂之燕

鵲 說文鵲知太歲之所在博物志

雁 隨陽鳥也師曠禽經曰駢以水言自北而南鴈以山言自南而北張華注云駢音雁鴈亦雁冬

北鄉燕代尚寒乃集於山陸岸谷之間故字從斤

鳩 鳩聚也能鳩聚陽氣按郊子九鳩其一鳩鳩今
鳩之布穀一名鵠鵠一名夫不即離也其大者曰

斑鳩

鷹 爾雅云鷹鵠鳩郭璞注云鵠當為爽郊子
五鳩爽鳩其一即鷹也月令鳩化為鷹

鴝 鴝夏小正田鼠化為鴝鴝也鴝
與鴝本二物今俗並呼曰鴝鴝

噪天 疑即蒿雀能
逐更夜鳴

獸屬

虎 說文云山獸之君
也楚人名曰於菟

麋 麋類性善驚道
書云麋鹿無魂

牛 犝特牛父也犢牛子也犝黃牛黑唇
也牲純色牛也又水牛能沒水中

羊 有青羊黃羊秋羊許有王黃羊詩草美秋先膺
沙平夜不藏解條文豹健鬻炙宰夫忙有肉須

馬 供世無魂亦似麋少年非好殺假爾試穿楊又
秋羊詩塞上寒風起庖人急上供戎鹽春玉碎
肥羜壓花重肉淨臙支透膏凝琥
珀濃年年神御殿頒餽每霑濃
易乾為馬馬與蠶同氣物不兩大蠶勝則馬病
故今養蠶之地少馬而北方不產蠶則產馬蕃
庶

驢 長耳亦名蹇手鏡呼曰衛
宋詩蹇衛衝風怯曉寒

羸 羸父馬母為羸馬
父驢母為駃騠

豕 方言燕朝鮮之間謂之豶關
東謂之彘今土人率呼為猪

犬 小曰狗大曰犬有田犬守犬廣雅
云般虞晉蔡楚獷韓盧皆其良者

麇 似麋
牛尾

兔 舐雄毫而孕生子從口
出兔唇缺尻有九孔

狐 形似小黃狗而鼻尖尾大有黃

狼 善顧其糞可作烽火煙直

黃鼠 鼠也穴處能擁土成壘天晴出坐穴口見

推珍味南來怯陋容瓠肥宜不武人拱若為恭

發掘憐禽獮招徠或水攻君無急盤饌辛日不

鼠 鼠也大如艾猴黃色氣

貓 郊特牲曰迎貓為其食田鼠也故字從苗其目

日煖蓋陰類也俗云貓

洗面過耳則客至

石屬

斑石 出栲栳山石有松竹紋五色如畫

石灰 火煉石成

白土 出寺溝可以壅牆

磁石

藥屬

黃岑 黃耆 蒼朮 芍藥 麻黃

甘草 防風 木賊 藁本 枸杞

知母 益母 虎骨 荊芥 茵陳

款冬花 地骨皮 馬兜苓 車前 秦艽

艾 百合

災祥

春秋二百四十餘年書災異者百二十二而書有年者僅二焉甚矣時和年豐國之寶也顧災祥之說聖人弗尙胡以蜚飛蛾見星隕石言載諸麟筆曰警有國也夫民和而神福人釁而妖興休徵咎徵箕疇早闡其理而梓慎裨竈往往有應有不應者惠迪則雉雉祥桑反而爲瑞從逆則神雀甘露適見其誣今之縣治古百里國也君子觀夫神降於莘而虢不臆麟獲於野而魯不昌未嘗不躬自引咎以銷沴戾而迓祥和豈必蝗不入境虎子渡河之治專美前賢哉所

願覽是編者毋以讖緯視之則民其有多矣

明洪武三十二年秋八月地震

永樂十五年秋大有年

十八年夏六月大水

二十年秋有年

宣德三年夏六月大水

四年春三月饑官賑之秋有年

正統四年夏六月大水官賑之

十四年春正月地震

景泰四年夏大旱

六年夏六月大水

天順八年五月五日大風飄屋瓦拔木

成化六年夏六月大水次年春饑

十二年秋七月黑眚見

其物黑小金睛修尾體狀類犬行疾如風多自戶牖

入遇者輒昏迷驚擾或身面被傷人乃夜張燈持刀防之

十九年春三月地震冬旱無雪

二十一年春正月星隕有聲秋八月大有年

弘治二年夏麥大熟

八年秋六月大旱饑

十八年春二月地震

正德六年黑眚見

十四年春二月饑

十五年秋九月地震

十六年春三月大饑人相食

嘉靖三年夏四月地震

十二年秋八月星隕九月地震

十五年秋七月旱蝗

十六年秋七月蝗人捕食之

天順十九年春三月大旱

二十年春饑

二十四年春正月地震

二十七年秋有年

二十九年春三月十九日未時大風拔木黃砂蔽

空晝昏晦不見至夜風少止

同日京都風壞正陽門外大坊秋外

兵內犯大肆殺掠由鎮城西北出塞所過地皆有傷殘

三十三年春二月饑夏六月大水壞屋廬渰禾稼

人畜壓溺死者甚多

時亭障城墉頽十之有六居庸尤甚其山石墜下填

塞郭門不能以路

三十四年春三月大饑人相食詔發帑金賑之

三十六年夏六月地震

三十七年秋八月大雨雪樹木多壓折死

三十八年春正月至夏五月不雨好蚌生乃雨連

百餘日廬舍盡傾至八月雨雹深三尺禾稼空

萬曆九年四月地震三次有聲

十年秋螟

十一年春疫

十三年秋大水

二十九年夏隕雪

三十四年大有年

三十五年大雨

三十七年夏秋旱五月大雨冰凍十月大雨水十日

三十八年大疫五月不雨多枯好蚌生

四十三年冬十一月地震有聲如雷

四十六年秋九月地震

崇禎十六年春疫夏大旱秋又大疫

十七年正月朔大風日無光

國朝

順治四年秋七月飛蝗蔽天

五年蝻生

九年西南二路多夜猴先是二路產黃鼠自是甚少蓋夜猴乃擒黃鼠之物

豈亦此勝彼
衰理或然也

十四年九月地震

十八年春二月至夏四月不雨閏四月北南二路

大雨雹大如雞卵厚盈尺被災數十餘堡九月地震冬

無雪

康熙元年春三月地震夏五月大雨雹四郊人畜有傷

二年夏五月旱

三年春三月地震

五年春三月地震

七年春二月至夏五月大旱秋七月大雨水七日

夜城垣屋廬多浸塌

十年春三月至夏五月不雨麥多枯野蚘生

十二年秋九月九日地大震

十三年秋八月隕霜殺禾地震冬十月震電十一

月雨大水

十四年春三月二十六日大風霾晝晦

十六年夏大旱多狼傷人

十八年夏大旱秋七月二十八日地大震聲如雷

八月地屢震

十九年春三月至夏六月大旱

是年八月初七日張家口外山谷水

漲漂沒西番回人二百餘
口漢人蒙古亦有漂沒者冬疫

二十六年秋七月隕霜冬大雨雪

二十七年春正月隕星夏四月朔日食晝暝見星

九月地震

二十八年春二月春分前雷電大雨三月恆風霾

晝晦夏大旱秋七月雨九月九日大雨雪

二十九年春二月二十六日昧爽隕星夏四月初

五日風霾晝晦秋不雨小有秋十二月寒甚

三十年春旱

三十三年霜災

三十四年秋七月晦大雪連朝禾稼災

三十五年春饑十一月地震

三十六年閏三月朔日食既九月大雪

三十八年秋霜災

五十七年大有年

五十八年夏六月地震

六十年閏六月朔日食

雍正元年秋八月霜

八年春旱秋霜

九年夏麥熟十二月朔日食

十年大有秋

十二年秋大水滄入城

十三年九月朔日食

乾隆二年秋七月北路雨雹六堡被災奉文賑濟

三年秋大有年

五年大有年秋八月地震

六年大有年

七年夏五月秋七八月地屢震

十年秋禾成災奉文賑濟

十三年秋大旱

十五年夏五月雨雹

十六年秋七月雨雹

十九年秋七月雨雹

二十年夏五月雨雹麥成災秋有年

二十五年夏大水冲刷民地頗多六月雨雹

二十八年夏六月雨雹秋霜

三十年夏六月雨雹

三十二年夏五月秋七月雨雹

四十三年秋有年

五十年秋有年

五十一年秋七月雨雹

五十二年大旱人相食

五十三年春饑秋大有年多狼傷人

五十四年夏六月雨雹

五十五年秋七月雨雹

嘉慶五年夏雨雹

八年秋大有年

十年夏六月蝻至

十二年十月十六日月食

十三年秋有年

二十三年秋有年

二十五年秋有年

道光元年二月朔日食秋有年

二年夏疫十二月十六日月食既

三年秋有年十二月十六日月食

四年十月朔日食

五年春三月大風拔木人遭之輒刮斃十月十七

日月食

七年秋大疫

八年三月朔日食九月朔日食秋有年

九年二月十六日月食九月朔日食秋有年

十年二月十五日月食既七月十七日月食既秋

有年

十一年正月十五日月食七月十六日月食

十二年饑十一月十六日月食

十三年夏五月雨雹六月朔日食十一月十七日

月食既

十六年夏旱秋七月飛蝗蔽天九月十五日月食

十七年三月十七日月食既夏蝻至秋七月雨雹

九月十五日月食

十八年秋七月雨雹八月十五日月食

十九年秋大旱

二十年正月十五日月食二月朔日食

二十一年夏五月雨雹六月十六日月食十二月

十七日月食

二十二年秋七月雨雹大如卵六月朔日食十五

日月食

三十三年春三月白虹經天十一月朔日食十二

月十六日月食

二十四年十月十六日月食

二十七 年二月十六日月食八月十六日月食九月朔日食

二十八 年二月十六日月食既

三十年 秋七月霜

咸豐二年五月十四日月食十一月朔日食十六日月食

三年 秋七月雨雹

四年 大有年

六年 九月朔日食十六日月食

七年 秋有年八月朔日食

八年 正月十五日月食夏大疫七月十六日月食

八月 彗星見

九年 正月十五日月食七月十六日月食

十年 春大雪六月十六日月食十二月二十三

午時日生四耳

十一年 夏四月紫虹貫日六月朔日食秋七月雨

電十五日星隕如雨八月朔日月合璧五星聯

珠惟長庚未聯

同治元年 秋疫十一月朔日食

二年 十月十五日月食是年大水滄入城

三年四月朔日食

四年八月十六日月食

五年八月十六日月食

六年二月十五日月食夏四月地震如雷

八年六月十五日月食十二月十六日月食

九年六月十五日月食十一月十七日月食

十年四月初一日大風晦七月朔天紅有聲如礮

月底大雨連陰七八日廬舍盡頽壓死人無數

十一年五月朔日食

十二年四月十六日月食九月十六日月食

十三年三月十七日月食夏六月大雨帶雹損傷

禾稼沖刷民地頗多

光緒元年三月朔日食

二年夏五月大風拔木七月十七日月食秋有年

<p>六月十五日</p> <p>七月十六日</p> <p>八月十七日</p> <p>九月十八日</p> <p>十月十九日</p> <p>十一月二十日</p> <p>十二月二十一日</p> <p>正月二十二日</p> <p>二月二十三日</p> <p>三月二十四日</p> <p>四月二十五日</p> <p>五月二十六日</p> <p>六月二十七日</p> <p>七月二十八日</p> <p>八月二十九日</p> <p>九月三十日</p> <p>十月三十一日</p> <p>十一月</p> <p>十二月</p>	<p>大寒</p> <p>小寒</p> <p>大雪</p> <p>小雪</p> <p>冬至</p> <p>立冬</p> <p>秋分</p> <p>立秋</p> <p>處暑</p> <p>立秋</p> <p>白露</p> <p>秋分</p> <p>寒露</p> <p>霜降</p> <p>寒露</p> <p>霜降</p> <p>小雪</p> <p>大雪</p> <p>冬至</p> <p>小寒</p> <p>大寒</p>
--	---

懷安縣志卷之四

知懷安縣事長白蔭祿續修

武備志

軍制

天生五材民並用之兵之設久矣懷安距燕京近在肘腋繕藩固圉譬手足之捍頭目非可苟也

國朝定鼎以來凡開闢不臣者皆備藩衛建橐而後裁汰冗員饒精芻葷歸經制尤復時其蒐練詰爾戎兵數百載邊牧無驚亘古希有夫兵者不得已而用之也前此大江南北蠢動肅清水陸要衝頗增防禦

非不厭兵以善後也至若枹鳴永謐材官技擊無所用其長狃而安之微特無以應牙璋卽竭作亦不足濟追胥之役然則簡閱烏容已乎在易之萃君子以除戎器戒不虞敕甲敵干不必聞鼙鼓而始備也額不取冒政不惟名日討軍實而申警之是則干城之選也已

參將一員

按明洪武二十六年置懷安衛是年又置萬全左衛設衛指揮等員並隸西路是時未設參將景泰二年始設鎮守參將一員駐劄柴溝堡協理西路軍政成

國時化八年改稱分守

國初因之順治八年裁雍正十年復設駐防參將一員十年仍裁

城守都司一員

按明懷安爲衛設衛守備一員掌衛事城守備一員分理軍政

國朝康熙三十二年改衛爲縣置知縣一員主縣事裁衛守備其城守備一員仍設至雍正十年併裁城守備改設都司一員駐劄本城掌理城守

柴溝營都司一員

懷安縣志 卷四 軍制
按明柴溝堡原設守備一員

國朝因之雍正十二年改設營守都司一員駐劄柴溝掌理營政道光二十二年仍改設守備

因左衛守備一員

明正統年設今因之

西陽河守備一員

明正統年設今因之

把總按明制左衛城設把總二員柴溝堡千總一員把總四員渡口堡把總二員西陽河把總二員李信

屯把總二員懷安城把總四員俱詳劉孔盾宣鎮圖說

國朝順治初設營頭把總懷安城一員左衛城一員柴溝

堡一員西陽河堡一員

附攷宣志明懷安衛指揮使五員同知三員僉事七

員經歷一員衛鎮撫三員正千戶五員署正千戶三

員副千戶二十四員署副千戶五員所鎮撫三員實

授百戶四十七員試百戶三十二員總旗五十八名

小旗四十八名萬全左衛都指揮僉事一員指揮使

三員同知三員僉事十員經歷一員正千戶十六員

副千戶十六員所鎮撫十員實授百戶四十員試百

戶十九員總旗三十二名小旗三十五名永樂十三

年增置保安右衛於順聖東城尋徙附於今縣之東

城內設指揮使一員同知四員僉事二員經歷一員
衛鎮撫二員正千戶二員副千戶七員所鎮撫四員
實授百戶二十八員試百戶九員總旗十名小旗二
名又各衛俱有令史二名典吏六名司吏六名外增
分守西路參將城守備衛守備各員其柴溝西陽除
設守備外餘員并未詳洪武初指揮使正三品月支
米三十五石同知從三品二十六石僉事正四品二
十四石經歷從七品七石鎮撫從五品十四石正千
戶正五品十六石副千戶從五品十四石署副千戶
與實授百戶正六品十石參將守備總旗小旗未詳

令史典吏司吏未入流俱五斗永樂間自指揮使至
副千戶三分支米七分支鈔自百戶下四分支米六
分支鈔每鈔二十五貫折米一石正統初令萬全都
司所屬衛所官折俸上半年支鈔每鈔十五貫折米
一石下半年支蘇木花椒嘉靖間指揮使以下至總
旗小旗俱歲折大小俸春夏季折支大俸秋冬季折
支小俸令史典吏司吏俱實支米五斗所典吏司並
同

經制兵

本城八十八名

舊志一百三十名

接順治初懷安城舊額馬守夫驛軍兵二百名內除
河間府抽調馬守兵六名節次裁汰馬守夫驛軍兵
五十名改歸縣管夫驛軍八十四名康熙三十二年
改縣後僅存舊額馬兵十二名守兵四十八名嗣於
雍正二年敬陳管見等事案內添設馬兵八名守兵
二十二名雍正十二年遵 旨議奏等事案內宮保
尙書總督部院李 疏請照馬四步六例於直省裁
存兵內添撥馬兵十六名步兵三十四名新舊共馬
兵三十六名步兵二十四名守兵七十名總共一百
三十名又乾隆四十七年裁汰馬步守兵十六名嘉

慶十六年八溝營抽調馬兵一名步兵一名守兵一
名十九年大名鎮抽調馬兵二名步兵三名道光元
年大名鎮抽調馬兵一名步兵一名守兵二名十二
年西疆抽調步兵一名守兵一名二十二年天津海
口抽調馬兵四名步兵三名守兵五名除裁汰抽調
外實在馬兵二十二名步兵十四名守兵五十二名
共兵八十八名

柴溝堡營一百七名

舊志二百名

順治初無考康熙改縣後舊額馬兵十五名守兵七
十三名雍正十年新增馬兵八十名步兵一百二十

名十二年裁馬兵四十二名步兵六十六名實在新
舊共馬兵五十三名步兵五十四名守兵七十三名
臺兵二十名總共二百名又節次裁汰馬步守臺兵
六十八名嘉慶十九年大名等營抽調馬兵一名步
兵三名守兵一名道光元年大名等營抽調馬兵一
名步兵二名守兵一名十二年西疆抽調馬兵一名
步兵一名二十二年天津海口抽調馬兵三名步兵
三名守兵八名除裁汰抽調外現設馬兵二十四名
步兵十七名守臺兵六十六名共兵一百七名

左衛城六十六名

舊志一百二十名

順治初無考改縣後舊額馬兵十二名守兵四十七
名雍正二年添設馬兵八名守兵二十三名雍正十
二年又添設馬兵十二名步兵十八名新舊共馬兵
三十二名守兵七十名步兵十八名總共一百二十
名又乾隆四十七年裁汰馬步守兵十五名嘉慶十
六年八溝營抽調馬兵一名步兵二名十九年大名
鎮抽調馬兵一名步兵二名守兵二名道光元年大
名鎮抽調步兵一名守兵二名十二年西疆抽調馬
兵一名守兵一名二十一年天津海口抽調步兵六
名守兵十名二十二年天津海口抽調馬兵三名步

兵一名守兵六名除裁汰抽調外現設馬兵二十一
名步兵七名守兵三十八名共兵六十六名

西陽河營九十三名

舊志一百
五十名

順治初無考改縣後舊額馬兵十八名守兵七十五
名臺兵二十七名雍正三年派撥張家口理事同知
衙門馬兵四名十年新增馬兵三十二名步兵四十
八名十二年裁新增馬兵十八名步兵二十八名現
在新舊共馬兵二十八名步兵二十名守兵七十五
名臺兵二十七名通共馬步守臺兵一百五十名又
節次裁汰馬步守臺兵二十五名裁撥永定河工步

兵一名守兵三名嘉慶十六年入溝營抽調馬兵一
名守兵三名十九年大名鎮抽調馬兵一名步兵二
名道光元年大名鎮抽調步兵一名守兵四名十二
年西疆抽調馬兵一名守兵一名二十二年天津大
沽抽調馬兵二名步兵二名守兵九名又撥永定河
工守兵一名除裁撥抽調外現設馬兵十三名步兵
八名守臺兵七十二名共兵九十三名

以上四營通共馬步守臺兵三百五十四名

按明洪武初設衛時以兵一百一十二名爲一百戶
所一千一百二十名爲一千戶所合五千戶所爲一

衛每衛兵計五千六百名後漸耗減至嘉靖時實在
存籍官軍懷安城一千九百五十九員名內操備官
軍一千一百九十五員名雜差官軍七百六十四員
名新增一千四百六十六員名左衛一千八百九十
七員名內操備一千一百五員名雜差七百七十員
名新增一百四十二員名柴溝堡一千九百四員名
內操備一千四百九十九員名雜差三百六員名新
增七百二十八員名西陽河堡一千九百四員名內
操備一千七百六員名雜差一百九十六員名新增
一千四十七員名又渡口堡官軍六百八十員名內

操備四百七十五員名雜差一百八十四員名新增
三百三十五員名李信屯堡新增七百四十三員名
通上總計實在存籍官軍九千八十七員名合共萬
全左衛洗馬林新開口新河口張家口膳房堡甯遠
堡並隸下西路設分守西路參將一員通共下西一
路存籍官軍總一萬六千一百九十五員名實在官
軍總一萬五千五百七十五員名

經制營馬

城守營馬十匹

舊志三十六匹

明衛額操馬九百八十七匹正德間九百七十二匹

嘉靖三十七年二百四十五匹

國朝順治初額營驛馬八十匹節次裁汰至康熙三十二年改縣後僅存馬十二匹雍正二年添八匹十二年又添十六匹實共三十六匹

乾隆六年分

額設營馬八十六匹八年添馬六匹內除四十七年裁汰馬六匹嘉慶十一年裁汰馬五匹十六年裁撥八溝營一匹十九年裁撥大名鎮營二匹道光元年裁撥大名鎮營一匹二十二年裁撥天津海口營四匹咸豐三年調赴河南軍營九匹六年調赴河南軍

營二匹九年調赴山海關軍營一匹十年調赴山海

關軍營一匹實在營馬四匹官備馬六匹共馬十四匹每匹春冬季日支乾銀四分夏秋季日支乾銀二分

柴溝營馬十二匹

舊志五十三匹

明原額操馬一千三百八匹正德間一千二百二十四匹嘉靖三十七年二百三十八匹

國朝舊額馬十五匹雍正十年新增八十四匹十二年裁四十二匹除裁實存現馬五十三匹

乾隆六年分

額設營馬五十三匹八年添馬六匹四十八年添馬

一匹道光二十二年添官馬四匹內除乾隆二十七年裁汰十六匹四十七年裁汰七匹嘉慶十一年裁汰五匹十六年裁撥入溝營一匹十九年裁撥大名鎮營一匹道光元年裁撥大名鎮營一匹道光十二年裁撥西疆營一匹二十二年裁撥天津海口營三匹裁移鎮標右營四匹咸豐三年調赴河南軍營十匹六年調赴河南軍營一匹九年調赴山海關軍營二匹實在營馬六匹官備馬六匹共馬十二匹每匹折支乾銀與城守營同

左衛營馬七匹

舊志三十二匹

明衛額操馬八百七十一匹正德間八百五十五匹嘉靖三十九年一百五十四匹

國朝康熙年節次裁汰僅存舊額馬十二匹雍正二年添八匹十二年添十二匹計共三十二匹

乾隆六年分

額設營馬三十二匹八年添馬六匹內除乾隆四十七年裁汰五匹嘉慶十一年裁汰四匹十六年裁撥八溝營一匹十九年裁撥大名鎮營一匹道光十二年裁撥西疆營一匹二十二年裁撥天津海口營三匹裁移葛峪堡把總二匹咸豐三年調赴河南軍營

一匹調赴山東改撥河南軍營一匹六年調赴河南軍營三匹九年調赴山海關軍營一匹實在營馬三匹官備馬四匹共馬七匹每匹折支乾銀與城守營同

西陽河營馬四匹舊志二十八匹

明原額操馬六百七十四匹正德間六百四十四匹嘉靖三十七年二百八十七匹

國朝改縣後舊額馬十八匹雍正三年派撥張家口理事衙門四匹僅存實馬十四匹雍正十年新增三十二匹十二年裁十八匹除裁實存現馬二十八匹

乾隆六年分

額設營馬二十八匹內除節次裁汰馬十匹嘉慶十六年裁撥入溝營一匹十九年裁撥大名鎮營一匹道光十二年裁撥西疆一匹二十二年裁撥天津大沽二匹咸豐三年調赴河南軍營六匹又調赴山東改撥河南軍營一匹九年調赴山海關軍營一匹同治年調赴宣化鎮練軍一匹實在營馬二匹官備馬二匹共馬四匹每匹折支乾銀與城守營同

以上四營共計馬三十三匹歲共支乾銀三百五十六兩四錢

按宣志每年四月初旬馬在諸草場牧放朝出暮歸隨便採取備冬草束秋盡方止謂之採青故料豆支給僅及六月大盡三月每馬支料二石七斗小盡三月每馬支料二石六斗一升每石折銀六錢五分照現馬數關支嘉靖間懷左柴西共支月料八百三十一石九斗各草場牧地俱係洪武初年額設成化元年都御史葉盛題准團種條律擇衛所輒弱無爲不堪出戰軍人副以官牛俾於近城堡官田耕種有遼遠者亦許從宜兌換本年種地收糧除各項公用外餘糧買騮馬兒馬云

兵餉

新舊馬兵共八十名每名月支餉米三斗餉銀二兩歲共支米二百八十八石支銀一千九百二十兩步兵四十六名每名月支餉米三斗支餉銀二兩歲支米一百六十五石六斗銀一千一百四兩守兵二百二十八名每名月支餉米三斗餉銀一兩歲共支米八百二十石八斗銀二千七百三十六兩以上四營歲共支米一千二百七十四石四斗銀五千七百六十兩

國朝順治初米從衛倉支領銀從宣府萬億庫支領改縣

後米仍從縣倉支領銀之領自宣府者亦同縣正印
官監放

按宣志洪武三年令衛所馬軍出塞三次馬匹不
倒斃者月支糧二石步軍總旗一石五斗小旗一
石二斗步軍一石正統十二年令衛所旗軍月支
糧一石者米與折色銀布間月關支如遇閏月全
支米景泰三年令口外旗軍照舊月支糧一石報
効舍餘有冠帶者月支米一石無冠帶有家小者
八斗無家小者六斗老幼殘疾屯兵把守城門者
三斗弘治三年令沿邊征哨并按伏備堡等項官

軍出百里外者俱日支糧一升五合都指揮與把
總等官日支廩米三升備禦官軍日支行糧一升
七合 又嘉靖間西路官軍共二萬二千三百九
十三員名內有支三石官軍有支二石官軍支一
石八斗官軍支一石七斗官軍支一石五斗官軍
支一石三斗官軍支一石二斗官軍支一石官軍
支六斗軍支五斗軍支四斗五升軍支三斗軍惜
統一路計之其在懷左柴西者不能得其詳也

兵器

明懷安城大將軍礮六位盈字礮十八位蓋口礮二

懷安縣志 卷四
三
十個盔甲九千副銃二十桿快鎗二十桿金鎗六十
桿銅銃八十二桿鐵佛郎機四十桿五色旗幟全左
衛城神鎗三百三桿鐵佛郎機四十桿鐵盔一百一
十頂紅皮盔二百一十頂銅佛郎機五桿虎尾礮五
位快鎗三十桿演箭九十枝架駝佛郎機一具柴溝
堡大將軍礮九位破虜礮九個佛郎機六十八桿快
鎗七十六桿鳥銃八桿虎尾礮十個神鎗二百一十
三桿流星礮十個蓋口礮八個旗幟二十五桿西陽
河堡將軍礮一個懷字武字靈字礮各一個無敵手
三桿佛郎機二十一副子母礮十一個大小銃六十

桿神快鎗六十七桿新造大小礮六十五個盔甲弓
刀箭袋各一千二百件副以上各城堡器具

國朝康熙十九年遣工部司官查勘銅礮盡數解京量留
堪用鐵礮備用後漸銹爛無存今據各營移開現貯
實數條列於左

懷安城

原額馬兵盔甲三十六頂副 步兵盔甲二十頂副
守兵盔甲七十頂副 虎衣四身 鳥鎗四十七
桿 母礮一位 子礮五位 大小礮四百七十
一位 弓二十張 官戰箭七百六十支 火藥

一千三十九劬零

實在大小西洋等礮一百四十九位 子母礮一位

鐵砗礮三百二十二個 石礮四十個 百子銃

五桿 大鐵子一百八十七個 小鐵子二十八

萬三千二百五十個 石子十八石

左衛

原額生鐵翼虎礮一位 西洋礮二位 環礮二位

轟雷礮一十七位 湧珠礮三十六位 滅寇礮

五十一位

實在大小西洋等礮一百九位 子母礮一位 大

小鐵子一千七百個

柴溝堡

原額大將軍礮四位 鐵礮四百四位 弓四十二

張 戰箭一千五百二十枝 烏鎗六十四桿

鉞斧五十六把 籐牌二十三面 腰刀二十三

口

實在大小西洋等礮三百六十八位 子母礮四位

生鐵炸礮八百二十個 石砗礮三百四十個

大小鐵子一十七萬九千八百個 百子銃十三

桿 大鐵子五百個

西陽河堡

原額馬兵盔甲二十頂副 步兵盔甲一十三頂副
臺兵盔甲一百二十頂副 虎衣一十四身 弓
一十七張 撒袋一十七副 腰刀二十七口
牌刀一十四面口 烏鎗五十一桿 鉞斧五十
一把 鐵斧四把 鐵鋸十六個 母礮四位
子礮二十位 大擋梢八個 小擋梢一十二個
朝天鎧四個 礮星四個 礮鐘四個 鐵錘四
個 礮架四副
實在馬兵盔甲十五頂副 步兵盔甲六頂副 守

兵盔甲十九頂副 虎衣四身 弓十一張 撒
袋十一副 烏鎗十三桿 鐵斧四把 鐵鋸十
六個 母礮四位 子礮二十位 大擋梢八個
小擋梢十二個 朝天鎧四個 礮星四個 礮
鐘四個 鐵錘四個 礮架四個
按宣志洪武二十年令都司衛所置局製造軍器
以軍士不堪征差者習弓箭穿甲等匠又令各邊
合用軍器俱於各都司衛所歲造數用關支永樂
二年令成造軍器合用顏料係軍衛者軍衛自辦
係有司者有司支發不許以硃漆等項高貴之物

科擾害民景泰二年令衛所成造軍器每季盛甲
鎗刀弓各四十件圓牌二十面絃八十條箭一千
二百枝撒袋四十副銃箭四百枝永爲定例仍令
巡按御史及按察司官五年一次弔卷查盤如有
成造不如法及侵欺等項就便追問成化二年兵
部奏准各邊衛所照依原定則例按季成造後會
同原辦物料有司掌印官查點現數試驗如法仍
油漆調硃於軍器背面書寫某衛某年月日成造
字樣候五年後巡按御史查盤弘治十三年兵部
奏准各處巡按御史並守巡官查盤軍器若衛所

官旗人等有侵欺物料挪前補後虛數開報及三
年不行造冊奏繳者官降一級帶俸差操軍旗極
邊充軍其各該都司及守巡官怠慢誤事者參究
治罪

國朝咸豐十年直隸提督樂 奏准各營殘廢盛甲查明
共若干件計重若干觔據實稟來酌擬改鎗礮以資
應用十一年直隸總督部堂文 奏明直隸兵屢奉
征調軍器皆配帶前往或臨陣遺失或日久損壞各
營大率類是所有最不可緩者計若干件應需例價
若干由藩司籌款照例奏咨製造以備不虞

營汛烽墩

明嘉靖間懷左柴西渡口李信屯各烽墩共一百九十九座分撥守瞭每沿邊墩官軍五名夜不收三名腹裏墩官軍三名夜不收二名通計官軍一千二百九十六員名

國朝新添烽墩連舊設共三百二十八座內縣城東西驛站大路汛撥九處每處派撥馬兵二名守兵三名左衛汛撥七處內北僻路汛止用馬兵一名守兵三名餘俱馬兵二名守兵三名柴溝營汛七處內水關臺汛係次要隘口派撥外委把總一員馬兵四名步兵

三名守兵五名臺兵三名其餘封禁小口甯靖臺止用馬兵二名守兵一名餘俱馬兵二名臺兵三名西陽河營汛撥九處內鎮口臺係次要隘口派撥外委把總一員馬兵二名步兵一名守兵四名臺兵三名其餘八處封禁小口俱臺兵三名守兵二名

按宣志腹裏接火墩衝要處所照依沿邊墩例每墩軍人五名夜不收三名軍人專管瞭望夜不收專管走報險固處所每墩止用軍人三名夜不收二名每歲兩班上班二月初一日起至七月終滿下班八月初一日起至次年正月終滿嘉靖四十

年兵部尙書楊博請築各路墩臺畧爲腹裏接火墩臺一方耳目關係匪輕除原設不堪卽今督修外仍應添設空心墩臺宣府西路共添二百三十座而懷左柴西渡口李信屯凡添七十座昔邱文莊曰烽燧之制古人晝則燔燧夜則舉烽然遇風動則煙斜而不能示遠值霖雨則火暗而不能大明宜於墩臺之上立長竿分爲三等上懸紅燈以燈數多寡爲緩急衆寡之候所謂紅燈者煨羊角效魚魷爲之而染以紅遇夜則懸以示遠雖數百里之遠舉目可見矣

驛站

周禮行夫掌邦國傳遽之小事漢西域傳曰因騎置以聞黃霸傳曰郵亭郵駟也說文置騎曰驛驛傳曰駟驛主於騎言馬也駟主於傳言車也蓋古之置郵卽今之驛站古之督郵卽今之驛丞子輿氏所謂傳命之速也郵之爲義從邑從垂垂邊也故驛館之設大約處邑之邊者居多懷安西介燕雲北鄰邊徼羽書絡繹輶乘經行最爲衝要我

朝康熙改軍站爲民驛道光年裁萬全驛丞歸縣管理亦足見震疊懷柔非復昔時旁午矣顧廩稍之所支

芻牧之所給一係於公當事者苟率由舊章無或侵
漁科擾則夫車轍馬跡載德意以俱流矣小事云乎
哉

懷安驛

舊係軍站康熙三十二年改為民驛歸縣管理

舊額馬三十六匹每匹日支草折銀一分八釐豆
七倉升折銀五分六釐麥麩二倉升每升價銀
三釐六毫歲共支草折銀二百三十三兩二錢
八分豆折銀七百二十五兩七錢六分麩價銀
九十三兩三錢一分二釐共銀一千五十二兩
三錢五分二釐

新增馬二十一匹續增馬二十四匹共四十一匹每
匹日支草二束每束價銀八釐一毫豆七倉升
每升價銀七釐二毫麥麩二倉升每升價銀三
釐六毫歲共支草豆麥麩價銀一千八十九兩
二錢八分八釐

舊額馬夫三十名半乾隆七年以二馬一夫裁減
十二名半實在馬夫一十八名損夫四十七名
內扣二夫九名共馬損夫六十五名每名日支
工食銀三分米一倉升折銀一分歲共支工食
九百三十六兩至舊額項下雜用馬夫二十二

名每名日支工食銀五分四釐買補雜支等項
銀二百四十八兩七錢均於乾隆七年奉文裁
汰

新增馬夫三十三名乾隆七年以二馬一夫裁減
四名半實在馬夫二十八名半每名日支工食
五分四釐歲共支銀五百五十四兩四分馬牌
子二名每名日支工食銀七分二釐歲共支銀
五十一兩八錢四分獸醫一名日支工食銀四
分五釐歲支銀一十六兩二錢買補雜支等項
銀五百三兩三錢四分一釐共銀一千一百二

十五兩四錢二分一釐

腰站協昌馬一十五匹每匹日支豆七倉升每升
價銀七釐二毫每匹日支草二束每束價銀九
釐麥麩二倉升每升價銀三釐六毫歲共支豆
草麥麩價銀四百八兩二錢四分買補雜支等
項銀一百一十二兩七錢九分

腰站協昌馬夫七名半每名日支工食銀三分七
釐二毫歲共支銀一百兩四錢四分

以上懷安驛舊額新增續增協昌馬共九十二
匹馬損夫共一百一名通共歲支工料銀四千

二百八兩四錢買補雜支等項銀六百一十六兩一錢三分一釐內除道光二十四年奉撥協濟天津縣馬一匹夫一名共工料銀四十兩六錢八釐雜支等銀四兩七錢八分

萬全驛

舊係軍站康熙三十二年改爲民驛設驛丞掌之道光五年奉文裁汰驛丞驛仍歸縣管理

舊額馬三十三匹每匹日支草折銀一分八釐豆七倉升折銀五分六釐麥麩二倉升每升價銀三釐六毫歲共支草折銀二百一十三兩八錢四分豆折銀六百六十五兩二錢八分麩價銀八十五兩五錢三分六釐共銀九百六十四兩

六錢五分六釐

新增馬二十四匹續增馬二十匹共四十四匹每匹日支草二束每束價錢八釐一毫豆七倉升每升價銀七釐二毫麥麩二倉升每升價銀三釐六毫歲共支草豆麥麩價銀一千一百六十八兩九錢九分三釐

按舊志每草一束價銀一分一釐七毫今減三釐一毫應領八釐一毫

舊額馬夫三十九名半乾隆七年以二馬一夫裁減二十三名實在馬夫十六名半擯夫三十九名內扣二夫八名共馬擯夫五十五名半每名

日支工食銀三分米一倉升折銀一分歲共支銀七百九十九兩二錢至舊額項下雜用馬夫一十九名歲支銀四百六十九兩三錢六分買補例斃馬價銀八十九兩一錢柴薪藥材等項雜支銀一百三十九兩一錢二分均於乾隆七年奉文裁汰

新增馬夫三十五名乾隆七年以二馬一夫裁減五名實在馬夫三十名每名日支丁食銀五分四釐歲共支銀五百八十三兩二錢馬牌子二名每名日支工食銀七分二釐歲共支銀五十

一兩八錢四分獸醫一名日支工食四分五釐歲支銀一十六兩二錢買補雜支等項銀五百三十八兩三錢九分二釐共銀一千一百八十九兩六錢三分二釐

腰站協昌馬一十五匹每匹日支豆七倉升每升價銀七釐二毫每匹日支草二束每束價銀九釐麥麩二倉升每升價銀三釐六毫歲共支豆草麥麩價銀四百八兩二錢四分買補雜支等項銀一百一十二兩七錢九分

腰站協昌馬夫七名半每名日支工食銀三分七

釐二毫歲共支銀一百兩四錢四分

以上萬全驛舊額新增續增協昌馬共九十二匹馬損夫共九十三名通共歲支工料銀四千九十二兩七錢六分八釐買補雜支等項銀六百五十一兩一錢八分二釐內除道光二十四年奉撥協濟天津縣馬二匹夫一名共工料銀六十七兩八錢二分四釐雜支等銀九兩五錢六分

左衛城太平莊懷安城枳兒嶺四軍站每站馬二十匹共馬八十匹每匹日支草二束每束價銀

九釐豆七倉升每升價銀七釐二毫麥麩二倉升每升價銀三釐六毫歲共支草豆麥麩銀二千一百七十七兩二錢八分買補雜支等項銀五百九十三兩一錢九分

四軍站馬夫各十名共四十名每名日支工食銀

三分七釐二毫歲共支工食銀五百三十五兩

六錢八分

按軍站腰站舊志祇載馬匹今每站有夫未詳何年額設

計兩驛四軍站二腰站共馬二百六十四匹夫二百三十四名通共歲支銀一萬二千八百七十四兩六錢三分一釐

塘站附

額設塘站二處本城一縣屬胡家屯一每站設馬

四匹兵四名每名春冬季除二成外實領銀一

十六兩三錢夏秋季除二成外實領一十三兩

五錢計兩塘站通共歲支銀二百三十八兩四

錢按此項銀兩向由該兵等赴山西大同鎮請領大同鎮按年造冊奏報



